

朝陽縣志卷二

晷度

粵稽陶唐授時始命羲和精其曆象於寅賓寅饒諸法隨時測候以協其宜非特四時可定亦且百工允釐庶績咸熙後世宗之曆象之法愈精效亦愈廣熱河地居吾國之北邊較京師尙偏於東吾朝陽尤偏於東植表測候與京師自當稍有差池謹攷往籍之所紀載志晷度

極度 西洋人測得直省北極出地度分北京四十度

以周天三百六十度度六十
分立算

欽定明史天文志

中國當赤道之北故北

極常現南極常隱南行二百五十里則北極低一度

北行二百五十里則北極高一度東西亦然

同上

北

京北極出地四十二度強

元史天文志

按元史授時術周天三百六十五度二千五百七十

五分今法周天三百六十度元史所云四十二度強

者當今四十一度半弱元之北京治大寧城在今平

泉州治東北一百六十里與今測亦不甚遠

欽定熱河志

承德府北極出地高四十一度一十分灤平豐甯平

泉赤峰建昌

源今

各縣北極出地高度較承德強弱

有差朝陽縣北極出地高四十一度四十四分

節錄

欽定熱河志

東西偏度 以京師子午線爲中而較各地所偏之度

凡節氣之早晚月食之早晚胥視此東西相距三十

度則差一時相距九十度則差三時相距一百八十

度則晝夜時刻俱反對矣

欽定明史
天文志

凡偏東一度節

氣遲時之四分偏西一度節氣早時之四分

承德府距京師偏東一度三十分灤平豐甯平泉赤

峰建昌各縣偏東度數較承德強弱有差朝陽縣距

京師偏東四度二十一分

節錄欽定
熱河志

按極度以定南北里差此晝夜永短時刻之所以異也偏度以定東西里差此節氣早晚之所以異也秦氏蕙田曰寅賓之類以測象日宅嵎夷宅西宅朔方即後世里差之法又按清欽定協紀辨方書云日出入之早晚晝夜永短所由分也人居有南北則北極出地有高下於是日之出入早晚隨地不同中國在赤道北北極出地上南極出地下故夏晝長冬晝短

自京西北北極愈高則永短之差愈多所居之地愈南北極漸低則永短之差漸少各省日之出入時刻不同俱以各省北極出地及太陽赤道緯度立算

晷景 以土圭之灋測土深正日景以求地中日至之

景尺有五寸

周禮大司徒

冬至之日樹八尺之表日中視

其晷

易通卦驗

承德府夏至正午日景三尺一寸九分有奇晝五十三刻十四分強夜四十二刻一分弱冬至正午日景二丈一尺一寸一分有奇晝四十二刻一分弱夜五

十三刻十四分強春秋分正午日景八尺七寸四分
有奇晝夜各四十八刻灤平豐甯平泉赤峰建昌各
縣晝夜永短之差較承德強弱有差朝陽縣夏至正
午日景三尺三寸有奇晝五十四刻一分強夜四十
一刻十四分弱冬至正午日景二丈一尺六寸六分
有奇晝四十一刻十四分弱夜五十四刻一分強春
秋分正午日景八尺九寸二分有奇晝夜各四十八

刻

欽定熱
河志

按古法立八尺之表以測日景每尺爲十寸每寸爲

十分今西法六十二度之表以測日景每度爲六十
分每分爲六十秒宣城梅文鼎曰極度晷景常相因
知北極出地之高即可知各節氣正午之景測得各
節氣正午之景亦可知北極之高今推得府境極度
晷景俱依通志以府州縣治所爲準

承德府志

十二次分野

二十八宿分野

五緯分野

干支分野 分野之說承德府志雖亦繁稱博引率皆

荒渺無所歸宿謹附其按語如左 謹按欽定熱河

志云承德府全境在古漁陽右北平遼西郡邊外其
入某宿度分史傳無明文如析木爲燕分春秋時未
有元菟樂浪遼東西之地也漢置爲郡亦不過附析
木之次三代以下拓地不廣故附諸中土而有餘若
以今之道里計之西域新疆拓二萬餘里已非秦分
井鬼二宿所能賅况推之以盡地面一周則中土以
外大地尙多又將分以何星屬以何次乎恭引高宗
純皇帝御題毛晃禹貢指南詩註分野之說本不足

信聖諭昭垂誠以闢千古星士拘墟之見而折衷其
說實備訂歷來天文家沿襲附會之訛因詳錄之

朝陽縣志卷二

建置

朝陽僻在塞外自周之山戎秦之東胡漢魏以降之
匈奴烏桓鮮卑契丹迭有代興要皆部落之治文物
聲教遜中土遠甚雖前燕慕容氏建都於茲偏安歷
數十年而事蹟之流傳除正史略有紀載地方之志
乘槪付闕如齊周以後累朝皆設州郡治仿內地終
以限於蒙古習俗語言文字不通故紀載仍屬寥寥
前清中葉設承德府治七縣前有欽定熱河志後有

承德府志地方之志乘始有權輿而於邊鄙之縣仍
多缺陷茲謹錄其考據辯証各案語並冠以沿革表
志建置

朝陽縣屬建置沿革表

[illegible]

宏政縣宏政縣
西境兼同昌縣
得大定府神水
縣東南境
兼得來州地
王分地
兼得會

朝陽府
為朝陽
縣

朝陽縣

周爲山戎地後併入東胡戰國時東南境屬燕

欽定熱河志

杜佑通典營州春秋時地屬山戎戰國時屬燕

案欽定熱河志通典所列之營州即慕容氏之龍城

在今朝陽縣境其所稱戰國時屬燕者當在燕將襲

破東胡卻地千里之後史記燕北有東胡山戎其後

燕將秦開襲破東胡卻地千餘里

承德府志

秦爲東胡地後併入匈奴

欽定熱河志

漢爲匈奴左地武帝時爲塞地後入烏桓在遼西郡外

欽定熱
志

後漢爲烏桓地後入鮮卑東部

欽定熱
河志

後漢書烏桓傳建安初冀州牧袁紹矯制賜蹋頓等
皆以單于印綬建安十二年曹操自征烏桓大破蹋
頓於柳城

案前漢柳城縣至後漢時廢漢末爲烏桓蹋頓所據
魏武旣破蹋頓之後爲平州地此乃漢之柳城在今
錦州府西境指爲唐以後之柳城在今永平府境者
固非以爲慕容燕以後之柳城在今朝陽縣境者亦